

Iskustva medijacije, alternativnog rješavanja sudskih sporova

Uspješni pilot-projekti u Bosni i Hercegovini

U četiri centra za medijaciju u regionu - u Sarajevu, Banjoj Luci, Beogradu i Subotici uspješno riješeno 83 posto slučajeva

BEOGRAD - U organizaciji Međunarodne finansijske korporacija (IFC), članice Svjetske banke, u Beogradu je održan trodnevni skup o medijaciji - alternativnom rješavanju sporova (ARS). Razmjene iskustva stručnjaka koji rade na projektu uvođenja medijacije, povećanje znanje o ovom načinu rješavanja sporova i uticaj medijacije na ekonomski razvoj teme su o kojima je raspravljano na konferenciji.

Ovaj trodnevni skup okupio je veliki broj stručnjaka za medijaciju, uglavnom osoblja Svjetske banke iz SAD, Bangladeša, Ukrajine, Egipta, Kambodže, Slovenije, Holandije, BiH i Srbije. Skup se održava u regionu jugoistočne Evrope, jer su u Srbiji, te u Bosni i Hercegovini postignuti značajni rezultati u ovoj oblasti. Od marta 2004. godine u četiri centra za medijaciju - u Sarajevu, Banjoj Luci, Beogradu i Subotici ukupno je održano 1.634 medijacije i uspješno je riješeno 1.367 slučajeva, odnosno 83 posto.



Medijacija je brži i jeftiniji način rešavanja sporova

Rješavanjem ovih sporova oslobođeno je ukupno oko 10 miliona eura.

Glavni menadžer IFC PEPSE Alexander Paine ocijenio je da su pilot-projekti u regionu dali pozitivne rezultate, te pokazali postojanje razumijevanja principa medijacije u sudstvu i potrebom privatnog sektora za primjenom medijacije. Za veliki broj slučajeva medijacija je brži i jeftiniji način rešavanja sporova, rekao je Paine.

Katherine Gonzales-Arrocha

ha iz Međunarodne privredne komore, istakla je da je od 2001. godine ova institucija, poznata po primjeni arbitraže u rješavanju sporova, uvela i pravila primene ARS-a, uključujući medijaciju. Međunarodna privredna komora od osnivanja nastoji da međunarodnoj poslovnoj zajednici ponudi odgovarajuće metode za rješavanje sporova, da budemo fleksibilni i da strane same mogu da biraju kako će riješiti spor, rekla je gđa. Gonzales-Arrocha.